



Broj: 01-02-1688-1/17

Datum: 25.10.2017. godine

Na osnovi člana 26. stav 1. i člana 74. Statuta Grada Sarajeva („Službene novine Kantona Sarajevo“, broj 34/08) u povodu razmatranja Izvještaja o radu i rezultatima poslovanja JP „Sarajevo“ d.o.o, Gradsko vijeće Grada Sarajeva, na sjednici održanoj 25.10.2017. godine, donijelo je sljedeće

## ZAKLJUČKE

- I. Gradsko vijeće Grada Sarajeva podržava smjernice i mjere konsolidacije koje su poduzete u izvještajnom periodu i sugerira menadžmentu JP „Sarajevo“ d.o.o. da nastavi sa njihovom implementacijom, ali i sa osmišljavanjem novih mjera u cilju daljeg unaprijeđenja poslovanja JP „Sarajevo“ d.o.o.
  
- II. Uz puno uvažavanje okolnosti u kojima je razmatran Izvještaj, te plan rada za period do kraja tekuće godine, i pripremljeni za Gradsko vijeće, Gradsko vijeće cijeni da je potrebno da organi JP „Sarajevo“ d.o.o, što je moguće prije, pristupe pripremanju plana i programa rada za 2018. godinu, kao i godišnjeg izvještaja o radu i poslovanju preduzeća, ali tako da se za izradu ovih dokumenata, obavezno koristi odgovarajuća metodologija za izradu godišnjeg izvještaja, odnosno plana poslovanja javnog preduzeća, kako bi se gradski vijećnici putem ovih materijala, upoznali i sa činjenicama traženim u zaključcima čija realizacija je prihvaćena u povodu razmatranja i usvajanja Odluke o davanju saglasnosti na Statut javnog preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa grada Sarajeva (JP „Sarajevo“, d.o.o.), a koji glase:
  1. Uprava i Skupština JP „Sarajevo“, d.o.o. obavezuju se da pripreme narativni finansijski plan poslovanja za 2017. godinu i predoče ga Gradskom vijeću u roku najkasnije od šest mjeseci.
  2. Uprava i Skupština JP „Sarajevo“, d.o.o. obavezuju se da pripreme Pravilnik o unutrašnjoj sistematizaciji radnih mjesta i isti predoče Gradskom vijeću najkasnije u roku šest mjeseci.
  3. Uprava i Skupština JP „Sarajevo“, d.o.o. obavezuju se da prilikom zapošljavanja uposlenika i rukovodstva JP „Sarajevo“, d.o.o. posebnu pažnju posvećuju kriteriju stručnosti, te nacionalnoj i rodnoj zastupljenosti.
  4. Skupština JP „Sarajevo“, d.o.o. se obavezuje da kvartalno informira osnivača o radu i poslovanju.



- III. Zadužuje se Skupština JP „Sarajevo“ d.o.o. da realizira zaključke prihvaćene na Drugoj sjednici Gradskog vijeća Grada Sarajeva, održanoj u martu mjesecu tekuće godine, dostavljanjem traženih informacija u vidu informativnog materijala, putem kojih će Skupština JP „Sarajevo“ d.o.o. ispuniti i obavezu dostavljanja općih akata JP „Sarajevo“ d.o.o. donesenih u okviru procesa konsolidacije (što uključuje i pravilnik o cjenama i pravilnik o unutrašnjoj organizaciji), putem kojih će Gradsko vijeće informirati, okvirno, o osnovnoj strukturi prihoda i rashoda koji su iskazani zaključno sa 30.06.2017. godine, a kako je navedeno u Izvještaju o radu i rezultatima poslovanja JP „Sarajevo“ d.o.o, te upoznati Gradsko vijeće sa osnovnim informacijama o strukturi prihoda i rashoda do kraja trećeg kvartala, te dostaviti narativni finansijski plan poslovanja do kraja 2017. godine.
- Navedeni informativni materijal treba sadržavati i punu informaciju o broju uposlenih, u okviru utvrđene sistematizacije, te o njihovoj strukturi i strukturi članova organa i tijela JP „Sarajevo“ d.o.o. u pogledu struke i drugih referenci, te po nacionalnoj i spolnoj strukturi.
- IV. Zadužuje se Gradonačelnik da, putem nadležnih službi Grada Sarajeva i u saradnji sa direktorom preduzeća, omogući koordinaciju aktivnosti na unaprijeđenju strukture i sadržaja internetske stranice „Sarajevodoo.ba“. Potrebno je dostaviti Gradskom vijeću i informaciju o postupku vođenom s ciljem dodjele ugovora za vršenje usluge izrade internetske stranice JP „Sarajevo“ d.o.o, te ugovaranja usluge izrade vizuelnog identiteta JP „Sarajevo“ d.o.o.

*PREDSJEDAVAJUĆI GRADSKOG VIJEĆA*

*Dr. Igor Gavrić, s.r.*